

# Dávjá jerrojuvvon gažaldagat:

- **Mus leat gievkkanuvdna ja steaikauvdna goappáge sajis.** Gievkkanuvdnafákta lea vuosttažettiin oaivvilduvvon vuoššanpláhtaide. Vuoššanpláhtat sáhttet dagahit stuorát buolliimid. Dábálaččat eai leat steaikauvduollimat seamma duodalaččat, vaikko buollán pizzasuvnnas sáhttá leat mirkkosuovva.
- **Gievkkanuvdnafákta jáddada iežas sahtedohko.** Iskka lea go du gievkkanuvdnafákta ođđasat modealla. Ođđaseamos gievkkanuvdnafávttaid leat buoret ja dorvvoleappot geavahit, ja dat eastadit dán dáhpuhuvamis. Lea maiddái dehálaš oahpásmuvvat iežat gievkkanuvdnafáktii ja čuovvut bagadusaid.
- **Dárbbášan go gievkkanuvdnafávttat jus mus lea indukšuvdnauvdna?** Gievkkanuvdnafákta-gáibáduš guoská buotlágan gievkkanuvnaide. Dat guoská keramihkalaš vuoššanpláhtaide, indukšuvdnii ja ruovdevuoššanpláhtaide. Indukšuvdnauvdna ligge ruittu nu guhká go dat leat vuoššanpláhta alde. Dákkár gievkkanuvnnat sáhttet danne maiddái buollát.
- **Mus lea gássagievkkanuvdna. Dárbbášan go dalle gievkkanuvdnafávttat?** It, muhto dálá gássagievkkanuvnnat gáibidit dollasuodjalusa. Dasto elektriikkalaš gievkkanuvnnain lea stuorámuš riska buollát.



*Buot bargu eastadit buolliimid lea nátionála buollineastadeaddji doaibmabidju mii čuovvola nátionála buollinsihkkarvuoda gulahallanstrategiija 2013–2020. Nátionála koordinerenjoavku lea álggahan barggu, mas eiseválddit, dáhkádušfitnodagat ja eará buollin- ja elsihkkarvuodaorganisašuvnnat Norggas leat mielde.*






ALT VI KAN  
MOT BRANN

Gievkkanuvdnafávttat gádjot heakkaid.

Loga eanet dieđuid dáppe [sikkerhverdag.no/en](https://sikkerhverdag.no/en)

## Gievkkanuvdnafávttat gádjot heakkaid!

Badjel bealli buollimiin norgga ruovttuin vulget ruittuin mat duldet goikkisin dahje gievkkanuvdnabuollimiin. Dat sáhtta dáhpáhuvvat vaikko geasa: Nuorat geat málestit ihkku, smávvamánáidváhnemat mat gaskkalduhttet málestettiin, ja boarrásat geat leat vajálduhttan mállása duodat gievkkanuvvna ala.



### Mii lea gievkkanuvdnafákta?

#### 1. Mo dat doaibmá?

Gievkkanuvdnafákta njurgugoahdá ja botke automáhtalaččat elrávnnji jus don vajálduhtát jáddadit vuoššanpláhta dahje jus dat lieggana bearehaga.

Gievkkanuvdnafávttas leat guokte oasi: okta sensor mii lea gievkkanuvvna bajábealde, ja okta el-botkkon, mii juogo lea uvvna duohken dahje sihkkarastiskáhpas. Sensor goziha vuoššanpláhtaid. Jus sensor fuobmá buollinvára, de njurgugoahdá. Jus ii oktage reagere dasa, de sensor jáddada uvvna el-botkkona. Gievkkanuvdnafávttaid sáhtta bidjat buot elektrihkalaš gievkkanuvvnaide.

#### 2. Rehab versus fásta?

Gávdnojit guovttelágan gievkkanuvdnafávttat:

1. Gievkkanuvdnafávttat mat leat laktojuvvon johtasiin el-čuggestahkii (rehab). Dán ovttageardánis gievkkanuvdnafávttas sáhttet buohkat monteret. Geahča bajábeale illustrašuvvna.
2. Gievkkanuvdnafávttat mat leat laktojuvvon el-vuogádahkii ja sihkkarastiskáhppii. Dáid galgá elektrihkkár installeret. Jus ođasmahtát gievkkana ja elektrihkalaš biirriid, de gáibiduvvo monteret gievkkanuvdnafávttas.

### Olu gievkkanuvdnafákta máksá?

Gievkkanuvdnafávttta hattit álget su. 3500 kruvonna rájes, sorjavaš das maid dat sáhtá dahkat.

Ovttageardáneamos fákta lea hálbimus. «Rolls Royce»-molssaeavttu haddi sáhtá leat golmma gearde eanet.

Goappašat variánttat leat dohkkehuvvon, muhto eiseválddit almmatge ávžžuhit oastit gievkkanuvdnafávttaid mat leat FG-dohkkehuvvon, nappo maid FG Skadeteknikk leat dohkkehan, ja mat leat čadahan standardiserejuvvon iskosiid. Gávnnat dohkkehuvvon FG-gievkkanuvdnafávttaid dáppe: <https://www.fgsikring.no/brann/komfyrvakt/fg/>

Dáhkádusvuoládus: Muhtun dáhkádusfitnodagat addet dutnje hálbbit dáhkádusaid jus don leat installeren FG-dohkkehuvvon gievkkanuvdnafávttta. Iskka iežat dáhkádusfitnodagain guoská go dát dutnje.

### Gos fidnen gievkkanuvdnafávttta?

Gievkkanuvdnafávttaid sáhtá oastit buot elektronihkkagávppiin, muhtun gievkkangávppiin ja neahttagávppiin, nugo gievkkanfáktalágideddjiid ja dáhkádusfitnodagaid ruovttusiidduin. Jus oaččut dearvvašvuodabálvalusaid gielddas, de sáhtát iskat oaččut go sis luoikkasin gievkkanuvdnafávttta.

### Nabai dat njuolggadusat?

Eiseválddiin leat dát gáibádusat gievkkanuvdnafávttaide:

- buot odđa ruovttuin
- go ođasmahtát elektriikkalaš installašuvnnaid ruovttus
- go ođasmahtát gievkkana ja dárbbášat odđa elektriikkalaš biirre.

Seamma njuolggadusat gustojit astoáigeásodagaide. Gievkkanuvdnafákta-gáibádusat gusket ruovttuide ja oadđinsálaide/ásodagaide, namalassii doppe gos olbmot ođđet ja ássat bissovaččat. Gáibádusat eai guoskka unna vuoššansajiide ja gievkkaniidda bargosajis/kánturvisttiin.